

10 *saec. XI. usque ad medium saec. XII. pertinent*

Is, olim monasterii Altimontensis, deinde collegii Iesu Ant. bibliothecae Parisiensi illatus, novae acquis. nr. 264, membr. saec. XII. ex. post¹ alia scripta vel historica, vel alius argumenti f. 116—f. 157'. haec Gesta continet, brevi continuatione f. 157'. 158. addita in monasterio Altimontensi scripta. Editionem magna diligentia paravit R. I. E. de Smedt (1880), opera V. Cl. Leopoldi Delisle adiutus, ita ut levissima tantum emendanda essent, cum Parisiis a. 1880. constitutus eum iterum perlegerem. Pauca sustuli menda quae librario tribuenda esse, correctoris vero manum evasisse censeo²; ceterum scribendi rationem retinui. Scripturae specimen exhibet editio Parisiensis. Capitum numeros addidi, ubi rubrae deerant, litteras maiores initiales secutus.

20 *Codex incipit a Gestis Gerardi II. episcopi, qualia SS. VII, p. 497. edita sunt³. Haec excipit f. 118. Vita Galceri, eaque versibus scripta. Quod exemplum cum alii imitati sunt, factum est, ut magna Gestorum pars ita sit composita, neque dubito, quin haec narrationis forma, longior et fastidiosa, in causa fuit, quod liber rarius describebatur, sed potius in epitomen redigebatur.*

25 *Versus quaternos octo syllabarum simili exitu coniunctos vix historica relatione dignos iudicaveris; neque hoc tempore aliud eiusmodi opus conscriptum esse scio. Auctor ne magnam quidem curam eis componendis adhibuit, sed regulas saepius neglexit, duos tantum eodem exitu coniungens vel unam alteramve syllabam minus congruentem admittens⁴, nonnumquam etiam a quaterno numero*

30 *prorsus recedens. Ita vero metro parum coartatus sermo liberior procedit, res satis luculenter exponuntur, nonnumquam etiam vividis coloribus pinguntur, scriptoris animus ubique se prodit. Ipse canonicus procul dubio Cameracensis rebus gestis intererat, a. 1105. in Galceri causa Remos profectus est (n. 480) ubique*

35 1) V. Delisle, 'Mélanges de paléographie et de bibliographie' p. ; 'N. Arch.' VI, p. 486. 2) Codicem a compluribus librariis fortasse non uno tempore scriptum putat De Smedt p. XVIII; sed huic sententiae assentire nequeo. *Scrip.* 3) Lectiones variae levis-

simae sunt; duas tantum afferam: 499, l. 3: a finibus terrarum Cameracensium; l. 14: civibus communiter auxiliantibus. 4) Accuratius haec exposuit de Smedt p. XI. n.